



Rogstaekers
Vastelaovendj
Lidjesfestival
&
oeëpening vanne
Vastelaovendj

11 november 2012
Aoje Mêrrentj
14.00 oor

*vastelaovendj.....
det veerdje in wieërt!!!*



Zânk: Joss Mennen en Franky Tuasuun

Tekstschrîever: Irene Kunnen-Weerts

Meziëkschrîever: Peter Baartmans

Koeplet:

Ich pak vanaovendj 's mien bieze
Blief vandaag neet aane koeëj
Zeen gein daag um te gaon knieze
Striëk mie pekske inne ploeej
Ich loup nao mien stamineeke
Dao ésj mét di-j daag te doon
Mieër minse haaje det ideeke
D'r és nog net plaats vör mien schoôn.

Refrein:

Wildje dan nao hoês En paktje eure jas
Ès det neet zoeë gedaon. Want de rest di-j vingtj
't Ès nog lang neet tiêd Ze bliëve vuuër uch staon en zégke:
Dootj d'r heej nog êine, dootj d'r heej nog êine mét de jas aan

Koeplet:

Ich bin mich good aan 't amezieëre
Bli-j det ich gegânge bin
Heb flink loupe balkenieëre
Haw vandaag de pîn d'rin
Ich gaef de piep noow toch aan Merte
Zeuk gaw miene gaberdien
Woeë esse 't és 'ne schoeëne
Dao ligkje op 't gokmesjien

Refrein

Koeplet:

En wil ich 's bliëve hânge
Zieët d'n ângere "Ich bin wég"
D'r weurtj neet nao hoês gegânge
Neîn dae hieët dan groeëte pech
Want de rest di-j vingtj
't Ès nog lang neet tiêd
Ze bliëve vuuër uch staon en zégke:
Dootj d'r heej nog êine,
Dootj d'r heej nog êine mét de jas aan.

Zânk: **Ronald en Carien Moonen**

Tekstschrîever: **Robert Janssen**

Meziëkschrîever: **Ronald Moonen**

Tik tak, tik tak , heej, heej, heej }
Tik tak, tik tak, tiêd d'rbeej } 2x

Refrein:

As ich tik-tak tiêd kos make, keek ich neet op 'n oor
Blieëf ich 'm lekker rake en ich fieëszje nog wat door
As ich tik-tak tiêd kos make, waas ich de wiêzers heej
En maakdje as de klok d'r um vroog 'n extra oor d'rbeej
En haaj ich vól plezeer, dan maakdje ich d'r veer
Vör eïne lange nacht, woeërte 't d'r acht!
Alles ging van veur aaf aan weer los
As ich tik-tak tiêd make kos.

Koeplet:

As ich geinen tiêd heb, jao dan huuër ich hieël êrg dék
Det ich mich dae dan gewoeën mot make.
Waas det dan zoeë sumpel , waas 't echt te gek
Vae zoeëje neet uutgezoonge rake.
Round sloëtingstiêd spoeëktj mich door de kop
As ich tiêd kos make, heel 't heej noeëts op.

Refrein

Koeplet:

Zoeëj mich det gegaeve zeen, dan zörgdje ich beslisj
Det vastelaovendj langer waas te veere.
Nemes kieëk mieër oppe klok, want edereïn dae wisj
Detter nowwe tiêd veel te verseere.
Vae knaldje doeër, alles oppe kop
As ich tiêd kos make, heel 't heej noeëts op.

Refrein

Zânk: **Ton Wolter**

Tekstschrîever: **Ton Wolter**

Meziekschrîever: **Ton Wolter**

Refrein:

Ich heb weer det verlânge, um d'n hieëmel te behânge
Mét klokke, sterre, doêzêndj belle, veul mien hert alweer versnelle
't Ês weer begonne, gaef mich slingers en ballonne
Zweef aan eine boonte tros, op aswoonsdig laot ich los

Koeplet:

Ich bin in hoeëger sfeere, mer echt neet in 'de heere'
't Keumtj doeër det pallet aan kluuëre, ich raak dan boete zinne,
zal umêrme en beminne, d'r stieët van alles te gebuuëre
Haotj mich good inne gate, ich bin in alle state
um in dieëze sfeer te bliëve hânge, vastelaovendj veer ich heej,
't gieët vól te gaw vörbeej
Waat oeëver blieftj és 't verlânge.

Refrein

Koeplet:

As alle bloome blujje, veul ich verlânge grujje
De schoeënste bleumkes wil ich plökke, di-j loupe doeër de straote
In boeket mer ouch verlaote, ich zeen de allerschoeënste stökke
Di-j zeen ich same kaome, ich kân 't noow be-aome
Schoeën bloome laote zich good mînge; vastelaovendj kluuërepracht
det geuftj minse nowwe kracht
Dus laote vae noow same zînge.

Refrein

Zânk: **Gerlinde Smolenaers**

Tekstschrêver: **Jo van Geneijgen**

Meziekschrêver: **Jo van Geneijgen**

Refrein:

Laotj mer wejje, laotj mer wejje, laotj mer wejje
laotj de kôlder inne kop mer oeëver-ore drejje
Vastelaovendj wejtj weer oeëver noord tot zuid
Dae bleusj os um mét knouwel, zeiver, kwatsj en kuit
En in oeës liêf hoesj noow de flawwe kûl
Vae wejje uut en det geuftj os, e super good geveul

Koeplet:

't Gieët wejje zag de waermân, jeh waat maaktj det uut
vastelaovendj windjkracht zuid, in volle vaart vuuëruut
Dae stôrrem in schoeën kluuëre, dae raasj wi-j 'ne orkaan
det waer és hieër en meister heej, det hieërsj heej hieël spontaan

Refrein

Koeplet:

Vastelaovendj és oeës fieëstje, det bruisj heej volop
humor, lôl en stomme kâl, det wejtj doeër oeëze kop
De windj bleusj mét konfetti, oeës oeëre haost d'r aaf
hoeëg vanne toeëre blaoze vae, in e verhoeëgtj octaaf

Refrein

Tössestök: Instrementaal)

Refrein.....léste 2 regels herhale

Zânk: **Mark en Wilhelmiën Fonteijn**

Tekstschrêver: **Mark Bouwmans**

Meziekschrêver: **Mark Fonteijn**

Koeplet:

Laotj os mer gewaere, vae gaon aanne gang.
Neet wachte, vae beginne drek, dan deur 't ouch lang.
Nein niks van de traoge, 'ch heb d'n ieërste besteldj.
Want gae wétj toch wi-j det 't zitj, tiêd det kosj geldj.
Dus paktj eur pruûk, paktj eur pekske, eur klekske, de schmînk
Paktj konfetti, serpentines, paktj woeë ich neet aan dînk.
Vergaetj neet eur bonne, eur gêldj en gooj zin.
En dootj mer gewoeën, dootj zoeë gek wi-j 'ch uch kin.

Refrein: (wals)

Want 't és weer zoeë wiêt, d'n tiêd umgekieëke.
De dage di-j lieëke oeëts drej kieër zoeë lînk.
Mer noow moge ve, kinne ve, van alles verzinne ve
Ésj gêldj op, dan pinne ve, dao's niks waat os tieëge héltj.
Want 't és weer zoeë wiêt en vae zeen d'r vör klaor.
't Fieëst van 't jaor!!!

Koeplet:

Laotj os mer gewaere en alles keumtj good.
Want rietj d'r geine taxi mieër, dan gaon vae te voot.
Dae noow al nao hoês wiltj, és d'n draod toch wat kwiêt.
Want gae wétj toch gezelligheid kintj geine tiêd.
'ch mot d'r gaw eine gaeve, och 't laeve és schoeën
Paktj e pilske, 'ne sjoes, dan valdje neet uut de toeën.
't És tiêd um te kuite, vae make 't boont.
Kom laotj os toch lache, jao det hultj uch gezond.

Refrein

Zânk: **Luned Hermes, Laura Peeters, Dennis Hendriks,
Ruud Theunissen en Michiel Hendriks**
Tekstschrêver: **Mark Bouwmans**
Meziekschrêver: **Ronald Moonen en Mark Bouwmans**

Intro:

Ich bin 'nen echteich bin 'nen echte...ich bin 'nen echte
vastelaovendjgek

Refrein:

Ich bin 'nen echte vastelaovendjgek, van miene kop wis aan mien tieëne.
Gae hoortj mer te kieke en gae zeetj 't drek, wildje di-j gekkigheid 's lieëne?
Det és neet noeëdig want 't wêrrektj hieël aanstaekelik.
Gae dootj eur pekske aan dan weur 't zoeë gemaekelik.
Dus loester 's good waat ich noow zégk:
Ich bin 'nen echte... ich bin 'nen echte.. ich bin 'nen echte vastelaovendjgek.

Koeplet:

Ich heb 't al van kleins aaf aan, bin erfelik belasj,
't És onvergaefelik
't Keumtj opeins spontaan, waer eder jaor weer bli-j verrasj,
doeër dae vastelaovendjtek.
(Brug 1)
Raak eder jaor plezeerig vanne wiês
Vanaaf d'n elfdje van d'n elfdje és 't priês.

Refrein

Koeplet:

Ich weît nog wi-j d'n dokter zag, dit kân dus echt gein kwaod,
Want dit és 'n femiêliekwaol.
Symptome zeen dae lach, dae wazel, klappe uut de maot,
En gae kriegtj last van chronisch lôl.
(Brug)
Des eder jaor 'n uutgemaakdje zaak.
Vanaaf d'n elfdje van d'n elfdje és 't raak.

Refrein 2x

Ich bin 'nen echte...ich bin 'nen echte... ich bin 'nen echte
vastelaovendjgek

Zânk: **Lei Houben**

Tekstschrîever: **Lei Houben**

Meziekschrîever: **Lei Houben**

Refrein:

Vraag 't mer aan Lellebel
 Geluif 't noow waat ich vertél
 Di-j weít toch waal op alles raod
 Veertj vastelaovendj oppe straot
 Vraag 't mer aan Lellebel
 Geluif 't noow waat ich vertél
 Ze és 't hieël jaor doeër verklédj
 't és mer dejje 't wétj

Koeplet:

Krije krâmp in eure boèk
 Zeeje bang vör 'ne peddemoeëk
 Hejje zweítveut of snoeëternaas
 Snörkdje haarder as 'nen haas
 Slaopdje vast of hooszje uch meug
 Vluuëj di-j uch juuëke smêrreges vreug
 Vingdje d'n aafwas op neuchtere maag
 Of vastelaovendj gein schoeën daag.

Refrein:

Koeplet:

Krije scheute in eure nek
 De zwaars in plaats van mager spek
 Hejje 'n aegerst-oug aan eure doem
 Hieël gooj kaart mer geine roem
 Trékdje gein rente vanne bânk
 Of deure uch dieës daag te lânk
 'ne Rogstaeker dae hultj de mood
 Al gieëget 'm slecht of minder good.

Refrein

allein 't winnendje lidje és
 binnekort downloadbaar
 via www.vvderogstaekers.nl

